

THOMAS NAOGEORGVS THEOLOGVS.



Thomas Kirchmaier (quem Naogeorgum dixere) natus est Straubingæ in Bauaria inferiori, anno circiter 1511. Is cum felici ingenio esset præditus, in patria prima literarum fundamenta iecit, ac deinde ad uarias academias, præsertim Ingolstadiensem et Tübingerensem sese contulit. In ijs libera libus artibus incubuit, atq; in primis Poeticæ operam dedit. Hisce quoq; studijs Theologiam adiecit, atq; talem sibi eruditionem comparauit, ut uiris doctissimis conferretur, & honestis officijs in Vuirbergensi ducatu præficeretur. Cum autem Carolus Cæsar anno 1547 per Germaniam ferè uictor esset, atq; nouam docendi in Ecclesijs formulam in Augustanis comitijs proposuisset, Thomas eum ducatum reliquit, atque Basileam ueniens ibidem ad tempus Iurisprudentię uacauit. Postea autem pace per Germaniam comparata, in priorem ducatum rediit, & Ecclesiasticā functionem magna laude subiit.